



Inatsisartuni ilaasortaq Andreas Uldum, Demokraatit
-/Maani

Qeqertarsuup Tunuani timmisartuussisarneq pillugu § 36 naapertorlugu apeqquteqaat.

Asasara Andreas,

Inatsisartut suleriaasianni § 36, imm. 1 naapertorlugu apeqquteqaatit
Naalakkersuisut tiguaat.

Apeqqut:

”Qeqertarsuup Tunuani illoqarfinni Qeqertarsuarmi, Qasigiannuani
Kangaatsiamilu timmisartuussisarnerit pitsanngorsarneqarnissaat pillugu
Naalakkersuisut qanoq pilersaaruteqarpat, taamaalillutik ukioq kaajallallugu
timmisartumik tikinneqartalersillugit?”

Akissut:

Qeqertarsuup Tunuani angallannikkut pissutsit pillugit saaffiginnissutinnut qujanaq.

Angallannikkut pissutsit pitsaasuunissaat sulissutigiuagara tamatta ataatsimut
susassaqarfigaarput. Nunami Kalaallit Nunaattut ittumi isorartorsuarmi aammalu
ilaasutigut tunngavissakiffiusumi kikkut tamarmik tamakkiisumik
naammagisinnaasaannik anguniagaqarneq unamillerfiujuartuuvoq.

Qeqertarsuup Tunuani timmisartuussisarnerup annikinnera pissutigalugu
innuttaasut amerlasuut umiatsiatik ammaannartut atorlugit, angallatini taamaattuni
pisarnertut isumannaallisaanikkut ulorianartorsiorfigisaminnik angalanarlutik
aalajangertartut allakkanni oqaatigaat. Tamatuma saniatigut ukioq kaajallallugu
illoqarfinnut taaneqartunut timmisartuussinissap aningaasartuutitassai
paaserusuppatit, aammalu sooq illoqarfiit ilaat ukioq kaajallallugu
timmisartuussivigineqartarnersut ilaallu timmisartuussivigineqartaratik
tunngavilersorlugu nassuiaateqarfigeqquat.

Ilinnut erseqqissaatitut oqaatigissavara, Inatsisartut 2003-mut aamma 2004-mut
aningaasanut inatsisissanik akuersinermi ilinniartitaanermi suliniutit
annertusarniarlugit Nunap Karsiata angallannermut tapiissutigisartagai
annikinngitsunik sipaarniuteqarfiginiarlugit aalajangersimammata. Ukiumut 100
mio. koruunit missaannik annertussusillit angallannermiit ilinniartitaanermut

13.10.2009

Postboks 909
3900 Nuuk
Oq/tel +299 34 54 00
Fax +299 34 54 10
aan@gh.gl
www.nanoq.gl/aan

nuunneqartarnissaannik aalajangerneq ukiuni tulliuuttuni aningaasanut inatsisit akuersissutigineqartarnerini taparserneqartarpoq.

Tamanna tunngavigalugu 2006-imi angallasseriaatsimik ataasiinnarmik siunnerfilimmik pilersitsiniarlutik Inatsisartut aalajangerput, tassanilu Nunap Karsia ornigassami ataatsimi angallasseriaatsimut ataatsimut taamaallaat tapiisartussanngorpoq. Angallasseriaatsimut pitsaanerpaamut taamaallaat tapiisalerikkut marloqiusamik tapiisarneq sipaaruteqarfigineqarpoq. Tamanna soorunami nunatsinni sumiiffinni, suli kiffartuunneqarnissamik isumaqatigiissutit aqutugalugit tapiiffigineqartartuni sipaaruteqarnermik kinguneqarpoq.

Qeqertarsuup Tunuanut tunngatillugu sikuunerata nalaani taamaallaat qulimiguulimmik timmisartuussisarnermut tapiisalerneq, aammalu sikoqannginnerata nalaani taamaallaat imaatigut angallassinerneq tapiisalerneq tamanna kinguneqarsimavoq. Aasaanerani imaatigut angallassisarnerup toqqarneqarneranut illoqarfinni minnerusuni arlalinni akit unamminartut atorlugit Qeqertarsuup Tunuani angalassinnaanissaat tunngavigineqartunut ilaavoq. Taamatut sullissineq qulimiguulimmik timmisartuussisarnermit akikinnerungaatsiarpoq – Nunap Karsianut ilaasunullu.

Illoqarfinni minnerusuni sapinngisamik annertunerpaamik angallanneqarnissaq aamma kissaatigineqarmat tamanna soorunami paasillaarsinnaavara. Aallarnermi ataatsimi ilaasut ikinnerusassappata bilitsit akisunerusussaammata tamanna aappaatigut sillimaffigineqartariaqarpoq. Tamanna pissutigalugu isumaqarpunga, sipaarutissat Inatsisartuni aalajangerneqartut eqqarsaatigalugit Qeqertarsuup, Qasigiannugit aamma Kangaatsiap imaatigut angallavigineqarnerat, Disko Line-mit sapaatit akunnerannut pingasoriarluni sisamariarluniluunniit ingerlanneqartartoq aaqqiissutitut naammaginartuusoq, aammalu qulimiguulimmik timmisartuussinerneq akisuumut sanilliullugu Qeqertarsuarmi, Qasigiannugit aamma Kangaatsiami nalinginnaasumik innuttaasunut pitsaanerujussuusoq.

Tamatumunnga atatillugu erseqqissaatigissavara, Disko Line-p umiarsuisa piffissaq eqqorlugu tikittarnerat annertoorujussuusoq, aammalu qaqutigoorujussuarmik ullup tullianut kinguartinneqartartut. Silap ajomera pissutigalugu imaatigut angalanissaq ajornaraangat, aamma qulimiguulik tassunga taarsiullugu angalatinneqarsinnaaneq ajorpoq. Taamaattumik Kalaallit Nunaanni sila kinguaattoornut, pilersaarutiginngisamik kissaatiginngisamillu unnuisariaqarfiusunut peqqutaasinnaasarmat tamatta akuerisariaqarparput. Tamanna tunngavigalugu angalanissap peqqissaartumik pilersaarusiornissaata pingaaruteqarneranik Disko Line-p ilaasussat oqaluttuutissallugit pingaartittorujussuuaa.

Ilisimatitsissutitut oqaatigineqassaaq Naalakkersuisut Qeqertarsuup Tunuani angallassinerneq ukiumut ukiuunerani timmisartuussinerneq 13,4 mio. koruunit aamma aasaanerani imaatigut angallassinerneq 6,2 mio. koruunit atortarmatigut. Imaatigut angallassinerneq nalaani aamma qulimiguulimmik timmisartuussinerneq

tapiisoqarsinnaangilaq, tamanna angallasseriaatsimut ataasiinnarmut tapiisarnissamik tunngaviusunut uniuummat.

Kiisalu angallanneq nunap immikkoortuini, nunap iluani aammalu nunat tamat akornanni ineriartortitsisoqarnissaanut pingaaruteqarpoq, taamaattumillu Kalaallit Nunaanni angallannerup ineriartortinneqarnissaa Naalakkersuisunit pingaartinneqarmat tamanna erseqqissaatigerusuppara.

Kisiannili aamma Naalakkersuisut Nunap Karsiani pissutsit isiginiarpaat, aammalu aningaasat killilimmik amerlassusillit atugassaritinneqartut atorlugit innuttaasut sapinngisamik annertunerpaamik angalasinnaanissamut periarfissaqarnissaat kissaatigalugu. Taamaattumik Kalaallit Nunaanni angallannermi taperseeqatigiittarnerit killissarititassatut aalajangersakkat iluanni pisartussaapput, aammalu angallanneq annertusiartortitsinermut ineriartortitsinermullu pilersitsiviusussatut isigineqassalluni. Tamanna pissutigalugu, Nunap Karsia pisariaqanngitsunik annertuunik aningaasartuuteqartinngikkaluarlugu innuttaasunut amerlanerpaanut iluaqutaasinnaasumik assartuinerlutik politikkeqarnissaq Naalakkersuisut kissaatigaat.

Aningaasaqarnikkut imminut napatissinnaanissamik Namminersorlutik Oqartussat siunertaqarnerannut naleqquttumik, tamatumalu peqatigisaanik innuttaasunik nuttarsinnaanerulersitsisussamik ataatsimullu ataqatigiissutut misigisimanerulersitsisussamik assartuinerlutik naalakkersuinikkut siunissamut ungasissumut politikkeqarnissaq siunertaralugu Naalakkersuisut assartuinerlutik isumalioqatigiissitamik pilersitsinierluttorput.

Isumalioqatigiissitap sulinera, 2010-mi aasakkut naammassisussatut naatsorsuutigineqartoq siunissaq ungasinnerusoq eqqarsaatigalugu Kalaallit Nunaanni angallannerlutik pilersaarusiornissamut tunngavigineqassaaq. Tamatumunnga atatillugu suliassat ataasiakkaat ukkatarinagit angallannerup, suliassaqaarfimmi suliaqartut tamarmik – timmisartuutileqatigiiffiit, mittarfiit, umiarsuaatileqatigiiffiit il.il. - pilersitseqataaffigisaattut ilivitsuusutut isigineqarnissaa pingaaruteqarpoq. Najoqqutassat pigineqartut tamarmik saqqummiunneqarnissaat, aammalu oqallinnermi angallannerlutik ilusiliap naammassineqaqqammersup, angallasseriaatsinut assigiinngitsunut atatillugu angallannermi kisitsisinik inuiaqatigiillu aningaasaqarnerannik missiliutitaqartinneqarluni aalajangernissamut tapertaasussatut suliarineqarsimasup tunngavigineqarnissaa Naalakkersuisut pingaartippaat. Aningaasaliinissat angallannermi inuiaqatigiillu aningaasaqarneranni pissusiviusut ataqqillugit piviusorsiorlutik tunngaveqarluni pisarnissaat Naalakkersuisut kissaatigaat.

Taamaattumik Naalakkersuisut illoqarfiit Qeqertarsuup, Qasigiannugit aamma Kangaatsiap ukioq kaajallallugu timmisartuussivigineqartalerinissaannut aalajangersimasunik pilersaaruteqanngillat, kisiannili periarfissaq taanna assartuinerlutik isumalioqatigiissitassap sulinerani misissuiffigineqassaaq.

Ikinngutinnersumik inuulluaqqusillunga

Jens B. Frederiksen